

Headline	Sumbangan untuk Muhammad Firdaus meningkat RM67.000		
MediaTitle	Utusan Malaysia		
Date	09 Jul 2014	Color	Full Color
Section	Dlm Negeri	Circulation	178,211
Page No	12	Readership	534,633
Language	Malay	ArticleSize	106 cm <sup>2</sup>
Journalist	N/A	AdValue	RM 2,095
Frequency	Daily	PR Value	RM 6,285



## Sumbangan untuk Muhammad Firdaus meningkat RM67,000

SEREMBAN 8 Julai - Jumlah kutipan dana untuk remaja orang kurang upaya (OKU), Muhammad Firdaus Dullah (**gambar**), 15, yang ditemukan dalam keadaan terabai di Flat Taman Semarak, Nilai baru-baru ini, kini mencecah RM67,051.

Pengarah Jabatan Kebajikan Masyarakat (JKM) negeri, Abdullah Hanapi berkata, sumbangan itu diterima daripada pelbagai pihak seperti orang perseorangan, syarikat dan pertubuhan bukan kerajaan (NGO).

Beliau berkata, sumbangan itu termasuk daripada Tabung Haji sebanyak RM11,011, Badan Amal Kebajikan Tenaga Isteri-isteri Menteri dan Timbalan Menteri (Bakti) (RM1,000) dan sumbangan peribadi Perdana Menteri, Datuk Seri Najib Tun Razak (RM1,000)

"Semua sumbangan ini disimpan dalam akaun Tabung Haji milik Muhammad Firdaus.



"Pihak kami masih mengalukan sumbangan daripada semua pihak dan mereka boleh berbuat demikian menerusi akaun bernombor 010602000453616,"

katanya ketika dihubungi di sini hari ini.

Abdullah berkata, sehingga hari ini, remaja itu masih dirawat di Hospital Tuanku Jaafar Seremban (HTJS) dan keadaannya dilaporkan semakin baik dengan berat badan bertambah kepada 17.3 kilogram berbanding 14 kilogram ketika ditemui 21 Jun

lalu.

Jelasnya, JKM belum dapat memastikan tarikh sebenar Muhammad Firdaus dibenarkan keluar daripada hospital itu untuk ditempatkan di Taman Sinar Harapan Tuanku Ampuan Najihah di sini.

"Bagaimanapun, kami telah bersiap sedia untuk menerimanya pada bila-bila masa dari sekarang," ujarnya.